

კინოთეატრმა "კავეამ" საოკუპაციო ხაზთან მცხოვრებ პატარებს უმასპინძლა

01 ივნისი 2022

სამხარეო ადმინისტრაციის ინიციატივითა და რეგიონის მუნიციპალიტეტების მერიების ორგანიზებით კინოთეატრების ქსელმა "კავეამ" საოკუპაციო ხაზთან მცხოვრებ პატარებს ბავშვთა დაცვის საერთაშორისო დღესთან დაკავშირებით ანიმაციურ ფილმზე უმასპინძლა. თბილისი მოლის, ისთ ფონთისა და სითი მოლის "კავეას" კინოთეატრებში ხაშურის, ქარელის, კასპისა და გორის მუნიციპალიტეტების საოკუპაციო ხაზთან მცხოვრებმა პატარებმა ანიმაციური ფილმები - "ზღარბი სონიკი" და "ნითელი პანდა" ნახეს.

ფილმის დანყებამდე შიდა ქართლის სახელმწიფო რწმუნებულის მოადგილე აბელ აბესაძე და გორის მუნიციპალიტეტის მერი ლადო ხინჩეგაშვილი ბავშვებს შეხვდნენ, ბავშვთა დაცვის დღე მიულოცეს და ბედნიერი ბავშვობა უსურვეს.

"ბავშვები იმსახურებენ ყველაფერ საუკეთესოს, ამიტომ 1 ივნისთან დაკავშირებით დაიგეგმა დღევანდელი ღონისძიებაც. მადლობას ვუხდით კინოთეატრების ქსელს "კავეას" თანამშრომლობისთვის და გამოჩენილი სოციალური პასუხისმგებლობისთვის. ვფიქრობ, მნიშვნელოვანია საჯარო და კერძო სექტორის თანამშრომლობა, მითუფრო, როდესაც საკითხი ბავშვების კეთილდღეობას ეხება. ვულოცავ თითოეულ ბავშვს და განსაკუთრებით, შიდა ქართლის რეგიონში მცხოვრებ ბავშვებს დღევანდელ დღეს, ლალ ბავშვობას და ბედნიერ მომავალს ვუსურვებ" - აღნიშნა რწმუნებულის მოადგილემ აბელ აბესაძემ.